

Beat: Tron  
Text: Pyro

Willkomme in dr Sprächstund - Es isch widr Zyyt öbis rächts kunt  
rächtsumkehrt zu de Boxe wo die Bäss pumpt  
eigentlich nit schwer weme gly weiss wieme do zrächtkunt  
Dä Sound isch Fresh will är dr Stress us em Wäg ruumt  
Bä-Boom-Bap die schmuuvst Location  
vo dere ganze Stadt wenn Danze willsch und duurekeie  
dummi Stressköpf finde in dr Regel eh mi Sound beschisse  
drum gits an mine Jams kai Deppe wo's Konzärt vermiese  
I sorg uf – Bühne für Hits – für ältri, jüngri und Kids  
mitere freshe Attitüde wo's leider nümme oft git  
I bine funky Motherfucker aka Panzerknacker Diva  
nenn mi...(Cuts)  
Dr gröschti Kampf im Läbe fiehrt me mit sim eigene Schatte  
drum hani Rap as Waffe gwählt um mini Meinig z verzapfe  
und jetzte – leg i los und präsentier mini Tracks  
und triff di dört hi – wohär sy kömme – Mitte ins Härz!

Ref:

Das Album isch e Monster, dä Beat isch e Brätt  
Mi Name isch Pyro! – mi Ding isch Rap  
härzlig willkomme – gniessed mi Show  
us em Schatte vo de Boxe us em Mikrofon ins Ohr  
Und...Und wen de Bock hesch uf so Scheiss wie dä  
kum an mi Show den i gib alles für e geils Konzärt  
Das isch Hip-Hop - i gib immer 100%  
us em Schatte vo de Boxe – los en pumpe dä Sound

I bi ne Meister in dr Zeremonie, dr Reimologie,  
dr Pott-o-logie, Nenn mi frankophonischs Genie  
Meh seit mr Meister vo dr Dope-o-grafie  
Mi DJ kratz uf dr sinr Topographie, denn är het die Bombe drby  
Dasch scho ne krasse MC - in Schublade passtr nid dry  
Und was r suscht no ufm Kaschte het erfahrsch du scho gly  
Vellicht chly Alternativ, vellicht chly Back in de Days  
abr Alte das isch glych mi Rap ka brätsche wie Haze  
Das isch nit strikt gege neus - Mr untrstütze die Classics  
damit die Kids vo morn no wüsse dass es richtige Rap git  
Die halbi Szene isch vergiftet voller Hass und em Niid  
drum isch wirklich bitter nötig dass mol ein Funky blibt  
Und wär wen nit wär bessr geeignet für dä Job  
drum packi s Mike stand uf d Bühni und Rock  
I bi kai aggressive Mensch doch i ka nid immer lieb sy  
usm Schatte vo de Boxe den wo Schatte isch muess Liecht sy